

Zb

3313



F. K. 82.

Z6

3313

Cum Illustrissimam
VIRGINEM
HENRIETTAM CA-
THARINAM,
LIB. BAR. à FRIESEN,
DOMINAM in Röthavv, Cotta & Gasch-
witz, &c. &c.

SPONSAM.

Domum duceret

IV. Febr. A. clō Isc LXXII.

PERILLUSTRIS ET GENEROSISSIMUS
DOMINUS,

DN. NICOLAUS

à Serbdorff/

Toparcha in Baruth, Bretting, Hausvvald &
Rackel &c. &c. Serenissimi & Potentissimi Electoris Saxo-
niae Comes, & Consiliarius sanctior eminentissimus,

SPONSUS,

approbare animi religionem

Veteri allocutionis formula

voluit

Wittebergæ,

Utrorumq; perpetua parendi lege

Cliens

CONRADUS SAMUEL SCHURTZFLEICH.



*Is Freyher
vererlichen*

1514

2372

Rumpetandem silentium pietas, & ad-
mitti desidero officium tuum. Intuere
GERSDORFFIUM, circumfuso splen-
dore Sponsum, & FRISIAM cernua ex-
cipe Augusto habitu Sponsam, Virginem, in
quam omnium Virginum decora confluxe-
runt. Excita adeo te ad venerabile illudq;
nuptiale limen, & edefestos plausus, quodq;
alii coram, id suscipe ex longinquo munus.
Paratur hodie sacrum, nec humana ope, sed
Dei immortalis beneficio paratur. Addu-
citur GERSDORFFIO FRISIA Spon-
sa, pignus arctissimæ conjunctionis: adscitur
in tori partem, & castissimos uxorios ample-
xus. Mirabitur posteritas, coisse connubio
Par, quorum alteri nil carius Numen tribue-
re, alterum nil carius accipere potuisset.
GERSDORFFIO non visa alia, quam
eligeret, FRISIÆ nemo præter GERS-
DORFFIUM in oculiserat. Uterq; utri-
q;ve non amandi impetu, qui ad excelsas
mentes non pertinet, sed iudicio placebant,
sed virtute conciliabantur. Sunt sane, qui
ament: sed qui non æqvè discernant. GERS-
DORFFIUS, cum amaret, exquisitissime, ut
folet

solet aliàs, discernebat, & quanto plus discerneret tanto, impensius amabat, tanto enixius quærebat HENRIETAM CATHARI-
NAM. Lætatur auspicio CAROLUS,
inclutum Musis nostris nomen, ac fulcrum
certe maximum, & novum abstali Genero
decus accrevisse suæ Genti gratulatur.
HENRICUS ille in PRINCIPIS Senatu
Princeps, & præsidium nutantibus rebus,
jungit Fratri illustrissimo dextram, & affici-
tur sensu jucundissimæ affinitatis. Cæteri
Proceres excelsissimi, ut sua cuiqve pietas
est, divinis affatibus ornant, consecrant,
complent hunc diem. Penetratqve hoc
gaudium ad fasces, ad purpuram Augusti
ELECTORIS. Qui non dico jam com-
pensare (vult enim in posterum debere huic
stirpi) sed æstimare gestit GERSDORF-
FIANAS curas, animum pro Republica in-
victum, labores pro Patria egregie susce-
ptos, legationes deniqve splendidissime ob-
tas. Deum immortalem! Quid putabo e-
minentius, quid venerabor divinius, quàm
quod PRINCIPEM commovere loco, &
trahere quasi, ac inducere vi quadam ad per-

A ij

mu-

mutandas feriorum vices, in illa præfertim
Urbe Domina Saxonum, potest? Atqui pot-
est GERSDORFFIUS, sua virtute, sua
conscientia securus Heros, idemq; auspica-
tissimo omine FRISIÆ necessitudini im-
mixtus, Sponsus, si quisquam alius, coelesti
consilio electus, & rarissimæ documentum
felicitatis, cui una hæc dies offert, quod mul-
torum annorum destinationes non asse-
quuntur. Qvin ergo justas audi voces,
SPONSE, audi verissimas gratulationes.
Sistitur tibi ante aras Virgo, traditur juxta &
accipitur in fidem, Virgo sine exemplo ma-
xima, & ingenii gloria evecta ultra sexum,
Virgo, cujus inusitatae dotes Te fecerunt
Sponsum, Virgo, cujus sanctissima societas
faciet maritum, Virgo, cujus castus illibatus-
que amor faciet fortunatissimum Patrem;
Virgo demum, cujus posteritas non oblivis-
cetur posteritatis causa. Fuit, quum opta-
sti, inclute GERSDORFFI, hac stirpe
propagare stirpem tuam, quæ jam olim ipsa
sibi pretium, nunc tibi eadem opera & firma-
mentum a vitæ laudis, & seminarium excelsi
generis esset. Maacte lætis initiis, SPON-
SE,

SE, fruerere hujus expectatione voti, & frue-
re, quod universi expetimus, nullo fruendi
fine. Auctus coelesti bono es, FRI-
SIAM habes, & unam habes munus supra
mortalia omnia, ac sociam vitae, & san-
ctissimarum, quas possides, rerum. Qua
nil seu ad cultum tuum elegantius, seu
ad concordiam certius, seu ad gloriam
tuae gentis illustrius comminisci, nedum
assequi potuisses. Quae tibi spondet,
quicquid in humanis sponderi optimum
solet, non magis in domum, quam in
animum, & partem viscerum tuorum
transitura, ac sensum adeo mentemque
suam junctura pari atque indissolubili
nexu. Si quod post seria delictum, si post
delicias seria destinas, aut si quod tempe-
rumentum praesoptas ex utrisque, satis
fuerit, adsciscere HENRICAM CA-
THARINAM. Haec curas diluet ac
distinguet minimum, & multo gravissi-
mas solabitur occupationes: haec leniet
labores tuos ac levabit: haec non expo-
net modo, sed effundet quoque, quicquid
usquam est carissimi affectus, prius ab

B

se

se recessura, quàm ab desideriiis tuis. Gaudent eo nomine Musæ nostræ, alumnae patrocinii tui, ac tutelæ sanctioris, & quasi sedibus suis excitæ, properant Dresdense iter: reliquæ cis Albim Plisamqve commoratae, satis habent, publice privatimqve hic & illic expromere gaudia, expromere altos plausus. Haud erraverim, qui forte credam, cineribus Avi pie compositi insinuari lætitiâ hanc, & Patris Majorumqve tuorum imagines excitari prope fama hodiernorum solennium, excitari gloria nuptialis sacri. Nec verò secius intra se concipiunt, Sponsa Illustrissima, manes conditorum tuæ stirpis, & carissimum habent hunc diem. Rauraci, Germanorum vetus portio, & augusti laboris materia ingens, numerant decora tuæ Gentis, ac hodieqve monstrant vestigia, & ferme vindicant FRISIOS suos, prorsusqve invident nobis, erepturi etiam, nisi Saxones intercederemus & Mysi, imo nisi Princeps ipse Saxonum Mysorumqve artissimo sibi junxisset amplexu, & societate copulasset publicarum curarum. Divus ille Henricus, ab ultima Rauracorum origine

gine

gine inclutus sanguis, & à tot retro seculis
necessitudini Myforum innexus Heros, si
demitteretur coelo, quid aliud in te lauda-
ret, quid cerneret aliud, quàm vivam ima-
ginem sui, quàm vultum avi coelestem in
nepte, & ea quidem nepte, quæ plane con-
gruit in coelestissimam **FRISIORUM**
stirpem. Ad nos nostrasque Musas unum
id pertinet omnium maxime, quòd tabulis
doctissimarum **HEROIDUM** adscripta
es dudum, & laude ea sustinuiſti hanc lau-
dem, quàm vel Barthius Reinesiusque, si su-
peresſent nobis, oppido mirarentur. Alexi-
am Comnenam, Viraginem Augustam imi-
tata es: Hhrosvitam, illustre olim Saxoniae
suae ornamentum aequasti: caeteras supera-
ſti omnes, aut certe dubiam fecisti palmam.
Nil reliquum erat, nisi ut incomparabiles
illas virtutes transferres in torum, & in libe-
ros nepotesque diffunderes ardua dotium,
ac prorogares seriem unà generis tui & fa-
mam, sociasque **GERSDORFFIO**,
quod solus **GERSDORFFIUS** capie-
bat, quodque tu, si retineres sola, retineres
iniqve, nec impleres spem posterorum, qui

B ij

ab

79.26.3313

ab te nasci, & surgere in certamen tuarum
laudum coelesti nutu auspicioqve debent.
QVOD UT LÆTISSIMO COM-
PROBETUR EVENTU, ET BE-
NE TIBI AC SPONSO TUO,
REIQVE PUBLICÆ FELICITER
VERTAT, VOTA EGO ET PRE-
CES ET ANIMUM CUM CÆTE-
RIS CONJUNGO, IDEM AD OB-
SEQVIA TUÆ DOMUS, QUI AD
SUPPLICATIONES DEVIN-
CTISSIMUS ADMI-
RATOR.



107
M



a
b
c
d
e
f
g
h
i
k
l
m
n
o
p
q
r
s
t
u
v
w
x
y
z

Pon Eb 3313, Fk

f

ULB Halle 3
003 747 638





F. K. 82.

Z6
3313

Cum Illustrissimam
VIRGINEM

HENRIETTA
THARIN

LIB. BAR. à FR
DOMINAM in Rôthav
witz, &c. &c.

SPONSA
Domum duce

IV. Febr. A. c13 l3c LX

PERILLUSTRIS ET GEN
DOMINUS

DN. NICO

à Serbdor

Toparcha in Baruth, Bretti
Rackel &c. &c. Serenissimi & Poten
niæ Comes, & Consiliarius sanctior

SPONSUS

approbare animi religio
Veteri allocutionis for
voluit

Wittebergæ,
Utrorumq; perpetua pare

Cliens

CONRADUS SAMUEL SCHURTZFLEICH.



*Is Sieyfer
verewelen meo*